

INTERVIEW

Veur us interview trokke veer dit kier nao Bemele, nao de Moostem boe veer Jo Houben sjpraake euver dit initiatief. Menier Houben, boe kiek veer heij noe eigenlijk nao? "Dit mot unne moostem weure, un initiatief oet 't durp boe luj hun eige greunte goon verbouwe" Hun eige greunte? D'r ligk heij vlakbee unne greunteboer, en ouch bee de café op 't gastes verkoupe ze fruit en greunte? Zeen die dan te deur? "Neij, mer luj wille zelf in de grond wroete en rommele" Kint geer us dao get mie euver vertelle? "Jazeker, dit is permacultuur" Pardon, kint geer dat nog 'ns herhale? "Permacultuur, dat wil zegke dat veer neet goon grave en ploge, mer gewoen un gezet op de grond goeije met daoreuver un laog compost" En dat is alles? Dat liek us waal get veur hiel lujie tuiniers... "Jazeker, veer goon ouch e Benkske heij neer zette um te kiek wie de greunte greuije" Ah, dus heij gein sjoffelploog, en wat veur greunte gaot geer heij verbouwe? "Veur al ouwe, vergete greunte" Zoe es? "euhhh,... euhhh,... Tja dat bin iech vergete..."



ADVERTEERDERS

Ondersteunde bedrijven steunen de Carnaval in Bemelen, steunt u hen ook?

Tom van Leeuwen - Café 't Plateau - Henry VIII pub - Praktijk voor mondgezondheid Maastricht Christel Schlösser - Roemers eetcafé - Upstage, Podium verhuur - Dierenkliniek Maastricht - Van Motman, staalconstructie / montage / installatie - Van Gregor, interieur & verbouwing - Metaaldraaij Lambert Thomassen - Thomassen Plant protection - Hotel Brasserie Bergrust - Dierenspecialzaak Conjarts - H&R Andriën, landschapsonderhoud Loonwerk - JD Electro Duyckers BV - PassieFlora Hoveniersbedrijf - Heijns Installaties - Camping Vinkenhof - Nijskens Grondwerken - Crijns Banden - Alere Hair&Nails - Face-it Beauty - Bèr Huynen, Tuin, Park, Landbouwtechniek - MVKVS Martin van Kempen, VAT services - Klinkers, groothandel in zoetwaren - Paul Bovens, Architectural design - Mourmans Infrassupport - Gezondheidscentrum Bemelen - Plus Kaufmanns

De Gouwe Kromme

Vaandeldraeger, lijnetrèkker, theezeetter, kruiwage-duijer, prinse-zeuker, cafébezeuker, wielersanaat, gemeintewèrreker....

Och, wiewäöl wäörd zowste achterin moote zètte um Pierre Pittie, oze Kromme, te besjrieve? Wiewäöl luj zouwe d'r i Limburg, in Nederland, op de waereld zeen woe al 'n sjtraot - nou ja, 'n sjträötsje... - nao verneump is lang veurd dat ze geboore woorte? Esof ze vanteveure al zaoge aankome wat veur 'n rol heer in de Biëmse sameleving zow goon sjepele.

Ierlik is ierlik: vööl luj zaoge auch pas wat die rol waor op 't momint dat de Kromme zelf d'r neet mie waor. Want 't waor mèr zelde dat heer centraal sjtong, in 't volle leech van de sjenwerpers. Jao, eine kier, wie heer prins van de Berggeitte waor. Mèr veur de rès? Heer waor miestal achter de sjerme bezig, aan de zijlijn. Mer heer waor d'r altied bee. Bee 't voetbal, bee de hermenie, bee de carnavalsvereniging, bee 't sjeete, bee... En missjiens höbbe vööl luj häöm, net umdat heer altied dao waor, te wienig gezeen. En veural: te wienig gezeen wat heer allemaol deeg. Dat woord pas duudelik wie heer veurgood weg waor. Toen zaog eederein wat veur 'n gaat heer achterleet in 't dörp.

De redactie van de Biëmeler vastelaovesgezèt haet jaore geleije eine pries, de Kopere Kromme, in 't leve geroope veur luuj die zich verdeenstelik höbbe gemaak veur de carnaval in Biëmele of veur de dörrsgemeinsjap in 't algemeen. Dit jaar wille veer, postuum, veur 't iers de Gouwe Kromme oetrike. Aan de naamgever van de pries. Aan eine dae ech gemis weurt.



Pierre als lid van de Raad van Elf, bij het zandpad dat naar hem verwijst. (FOTO: FAMILIEALBUM)

Kleintjes

Te koup gevraag: Sjniettinge in verband met sjnie in Zwiserland, en um slippertjes te veurkomme, veur mie informatie Tommy von Löwe

Aangebooje: Graaswei, ongeveer 30 m2 met sjteveige umrastering, gesjik veur un klein kudde sjäöp (of geitte), inclusief sjäopshoond. gratis, want dan hoof veur 't graas neet te meije... te bevraoge : **SIS** (Sjaop in Sjoarma) vraog nao Max of Christianne..

De Gekkegazel

Sinds 1970

Carnavalsgazet van CV de Berggeitte 2021



BRANDS



BOETEGEWOENE



BINNENZITTING



2021

De geruchte Meule dreijt



Geer houwt 't ongetwiefeld gezeen: de wieke van "uzze" meule op 't gasthoes zeen verdwene. Veur van 't gekkegezetsje zeen op oonderzoek gegange en koame d'r achter dat de ouwe wieke vervange goon weure door neuje moderne wieke die gans Bemele van greune sjtroom goon veurzeen. 't Is neet toevallig dat de meule sjus heij gebouwd is en neet in Bemele zelf. Heij op 't plateau weijt t altied veul hëller. Reije dat heij ouch veul mie geweijsde te veende zeen. De meule sjteit al mie es hoonderd jaor op 't Gastes en menig inwoener van 't Gastes en Wolfes haet dan ouch in de loup van de jaore unne sjlaag van de meule gehad. Zoe es geer wèt oet 't verleije zeen ze dao ouch nogal sjnel in de wiek gesjote, reije um ouch noe weer un bezjoer in te deene bee de Gemeinte um zoe gèt tegeweend te geve. Gezeen de langzame ambtelijke meule bee de gemeinte zal 't nog wel effe dore. Veur mie informatie is un sjpecial Meel adres aangemaak: geruchtemeule@meel.nl

"Hoge bomen vangen veel wind"

Tegelikertied is 't Limburgs Landschap bezig um fleenk get buim te kappe in en rondom Bemele. Langzamerhand zeen veer door de gesneuvelde buim 't Bosj neet mie. Zeffs de Meiden van de joonkheid haet 't motte ontgelde. En ouch hoegsjtam fruitbuim sjijne neet veilig te zeen... Veur wille d'r neet teveul euver doorzage mer veer make us waal zurreg. Gelukkig zeen d'r waal get initiatieve ontsjtange die motte zurge dat d'r neet teveul buim verdwijne, Zoe höbbe sommige met kap-planne d'r noe 't bijlike bee neer gegoeijd en haet de joonkheid al twee jaor langk geine Den mie gekap. Ouch de kaartclub is tijdelijk gesjtup met Buimke vaege. Binnekort geit de vogelwerkgroep zelfs unne (gedeenk) boom plante. Dat weurt dan meteen unne fleenke boom zoedat ze d'r meteen un vogelniske in kinne hange. Daoneve zeen d'r gelukkig nog genog luj in Bemele die euveral unne boom euver op wille zette.

Kwekerij aangetroffen op het Gasthuis

Bee un controle op 't Gasthoes is un volledig in werking zeende kwekerij aangetroffe. Ouch woorte diverse knip instrumente (sjiere en dergelijke) gevoonde. De bewoener van 't pand gaof direk touw dat heer regelmatig knipte, gein plentsjes, mèr luj die met de han in 't haor zaote. Nao oetgebrijd oonderzoek bleke euveriges dat 't um onsjuldige kruije es tijm, rozemarijn en basilicum ging. Die kinste ouch waal rouke volges de eigenaer, mer dao weurste neet haaj van,... dan kinste diech beter eine dreenke en un sigaar opsjteke.





W Is geer dat...?

D'r hiel get weurt gebouwd, verbouwd, verkocht, gekocht en verhuisd in Bemele? Dat geit neet altied eve good. Zoe veel d'r n sjlachoffer bee de bouw van 't hoes van Didier. Unne fietser kaom oonder 'n hek terecht. Volgens de fietser kaom dat umdat heer in d'n doeije hook van 't hoes zaot. Dat kin volges os best, want 't hoes haet nogal veul doeje heuk... Umwoeners waore euveriges bang dat 't hoes qua bouwsjtijl neet zou passe in de omgeving, mer die angs waor gelukkig neet terecht, 't pas perfect bee de garage achter 't hoes..

Ouch Rim how pech, de bouw van zien hoes woort door de gemeente twee weke sjtilgelag umdat de teikeninge neet zouwe kloppen. Dat maog netuurlijk waal bee unne groete paerdesjtal, mer neet bee de verbouwde verrekessjtal van Rim. En dat names un gemeente die 't zelf neet zoe nauw nump met vergunninge. Veer zeen benijd of de vergunninge en bouwteikeninge van de geittesjtal ('t gemeinschapshoes) inmiddels waal klaar zeen... 't is tegewoerdig gebruikelik um nao un fleenke verbouwing meteen te goon verhuize.. Zoe is Tommy inmiddels verhuisd nao Zwitserland en Niels en Jamie zeen noe ouch verhuisd nao un betere buurt...

Veer vraoge os aaf of Ralph noe aan de beurt is noe heer zien hoes haet opgeknaapt. Heer stelde os echter gerus en leet os de bouwteikeninge zeen van de volgende stap in zien verbouwing en es veurbereiding op 't oetrope van de

CARTOON


HENK & MAAYKE

WERKEN OOK THUIS..



> degekkegazel Zaterdag 14 februari 2021

Nuije preens in 2022. Geer kint gerus zeen dis tekening ligk nog ter goedkeuring bee de gemeente...



W Is geer dat...?

Roy Andrien, 't kleiner aanpak? Heer haet allein 'n kippehook gebouwd..

Veer begriep dat heer wil goon concurreren met buurman Danny. Kump Danny Crijns Paella bee uch thoes klaor make, Roy maak met plezier un lekker kip bee uch klaor.. www.kipnuggetsoplocatie.nl

W Is geer dat...?

Rick en Lars zeen gesjeije? D'r is unne keenk gekomme in dit leefdeskoppel dat al enige tied samenwoende. Lars woent noe same met un vriendin. Veer vraoge us aaf of dat betekeind dat heer weer in de kas is gekrope...

W Is geer dat...?

Luc Corten weer in Bemele is komme woene en dao noe de sjtraote onveilig maak? En dat heer in twee maand tied al twee aanrijjinge haet veroorzaakt? Dat heer weliswaar neet gedroonke how mer toch bezope rijdt?

W Is geer dat...?

Veul luij in Bemele mèt doen aan Dry January.. dat wil zegke dat zee geine alcohol drenke in Januari? De café's blij kinne zeen dat ze moste sjeete umdat ze dan anders toch gein beer koste verkoupe...

W Is geer dat...?

Noe Peter Ladeur thoes mot werreke es lieraar heer nóg mier vrije tied haet? Heer daorum ouch mer 'n entertainment bureau haet opgeriech? Heer veur de buurtbewoeners op 't Wolfshoes unne Quiz en unne Bingo haet georganiseerd? Veer dat hei gewoon Kiene neume? En dat 't toch geine zin haet umdat die van 't Wolfshoes toch neet kinnen telle en sowiesoe neet veul weite?... Mer nogmaals, geer hōb 't neet van os...

> degekkegazel Zaterdag 14 februari 2021

Sjport

FELLE DISCUSSIE EUVER KAARTE IN BIËMELE

In de Biëmse sjportwaereld is 'n felle discussie ontsjtange euver kaarte. Neet euver gael of roej kaarte, mèt euver sjöppe, roete, klieje en harte. Aanleiding is de maondkalender 2021 van de Heemkundesjtiechting. Dao op is auch 'n plek ingeruimp veur de bridgeclub. Dat is sjelech gevalle bee 'n aantal andere sjportvereiniginge, die veende dat kaarte gein echte sjport is, en dus auch neet op eine sjportkalender thoeshuurt.

Volges de bridgeclub zelf is kaarte waal degelik sjport, um pecies te zeen 'n deensjport. 'Um good te kinne bridge, mooste hiel lag dien herses traine en dien köpke gebrueke', zaet de veurzitter. 'En 't vreug hiel get liechamelike beheersing um op tied oet te sjepe en dien sjlaeg binne te hole. Dat is nog ins get andersj es mèt ellet man achter eine bal aan renne, allein mèt um 'm weer weg te sjtampe este 'm eindelijk hōbs...'



De bridgeclub euverwaeg um euver te sjtampe op patience

Volges de voetbalvereniging en de fietsclub is dat oonzin. 'Die gaste aan de kaarttafel zitte allein mèt get te zitte, en ze doen hun bès um te doen of dat sjpannend is. Mèt ze laote zich niets éch in de kaarte kieke. Echte sjport, dat is zjweite, loupe, renne, trappe... De innige kier dat bridgers bewaage is es ze zich oonder de taofel tege de kneuk sjtampe um te foetele... Dat haet niks mèt sjport te make.' De Heemkundesjtiechting geuf gein commentaar, umdat ze de kwestie daoveur 'neet sjportief genoeg' vindt. De veurzitter: 'De bridgers wille neet alle kaarte op taofel lékke, en de voetballers lékke de bal altied mèt bee andere neer. Dao trappe veer neet in. Ze vechte 't mèt oet...'

FC BEMELE ONGESJLAGE

De heemkunde kalender is zoe ongeveer 't sjportieve hoegtepunt van 2020 gewoore. Vermeldenswaarig is waal nog dat de FCB nog noets zoe lang ongesjlage is gebleve (zeker 't 2^e neet) es in 2020. Op de kalender komme ze toch good oet de verf, gein woonder, op pepier waore zee altied al 'n gooje ploog... Met de nuije trainer zette zee in 2021 volledig in op... 'n sjoen jubileumfees, want zoepe geit nog altied beter es voetballe



Cultuur

(Wein) Weib und gesang

Ouch qua Cultuur waor 't errug rustig aafgeloupe jaor... De hermenie is me éine kier roondgetrokke (um te collectere), 't koer moch neet same zinge (dat same lukte soewiesoe neet altied eve good) en Bemels keeterke moch dit jaor ouch eve (neet) oetbloze... In t begin waor dao nog Dyane Sleijpen die os zingentaere door de quarantaine heelp met heur Quarantaine leedsjes,.. mer nao 45 daag waor zee echter ouch door heur repertoire heen...

Gelukkig hōbbe veer noe os prinses die de studio in is gedoke en us same met alle Preense en Prinsesse van 't Heuvelland verraste met de hit "Krach van Vaste-laovend" Un carnavalshit die, sjus wie altied met un carnavalshit, sjoener kleenk naormate de aovend later weurt en de de glaze laeger...

Monica is al benaderd door zoewel 't Antoniuskoor es 't Ceciliakoor um nao de carnaval 't koer te versjterke..

WAERBERIECH

Dizs carnaval hōb geer 't waer groetendeils zelf in han: wèlt geert werrem waer dan mèt geer de thermostaat hoeger zette, wèlt geer rege dan kint geer in de douche terecht veur un fleenke sjtortbuij of op 't toilet veur un miezerig zeik-buijke.

Veur dis dreij daag is 't liech bewolk, tege de aovend brigk eve de zon door, mèt dan is 't al duuster dus dao is neet vāöl van te zeen. Met un hiel kleine kans op confetti-regen. Weend: d'r is kans op winderigheid nao 't ete van ertesóp. 's Aoves kans op boonte stōrrem, mèt nao middernach veur de laatkomers aan 't thoesfront de wind van vāöre. Ouch dreig dan nog get naogekome gedonder aan de keuketaofel. Sjterke tegewind, dus neet d'r in sjeije. Un hoegedrōkgebied oonder de gordel maak vreug opsjtoon noedzakelik. Sjterke straalsjtroum zōrg veur verlichting





Leef luij,...

Iech sjrijf dit op de aovend dat iech eigelek mós aoftreije es prinses. Trök dinkend aon het verleie hiel bezunder jaor.

Wat waar het verrassend toen Ralph en Guy aon de deur stoonde op 25 november in 2019. Venaof toen begós het... Kriebels in de boek en weke het groete geheim veur miech hawwe. Het liekent lang tot aon de zitting mer dee tied vloog veurbij.

Tot het daan inins zoewied is. De daag vaan de zitting is aongebroke. Eindelek maag ouch Emma het weite. Ze spróng un gaat in de loch. Wat waar het spannend, de aovend zelf. Vrun die niks in de gate hubbe en ongezeen de kelder in zien te koume. Het veerdeg make, familie oontvaange en daan... de kis in mèt de sjeun vaan Paul aon um de verrassing zoe lang meugelek oet te stèlle. De weeg nao de buun, lui houwe op de kis, rope nao de nuie 'prins' en daan de omtlading es de kis ope maag...Dat momint zal iech noets vergete. Fantastisch en hinnevel!

Vaanaof dat momint bin iech daan ech prinses Monica. Dr volge prachtege weke tot aon de Vastelaovend. Iech geneet veural vaan het same zien, sjoenkele met us alle oonder de erm en de polonaise achterein. Toen kós dat nog allemaol. Het begin vaan vrundsjap tösse un aontal hoeëghede is oontstande. Ein bezunder momint wil iech mèt uuch deile. Iech mos op de foto bij de gemeente mer wat bleek, miene rok waar kepot. De rits deeg het neet mie dus dat gaof charmante beelde zoe wie geer het uuch kint veurstèlle. Gelökkeg waar Pierre bij miech en heer zag meteen: Annie maak dat waal veur diech. Zoe gezag zoe gedoon. De daag denao waar de rok al klaor. Annie had ore draon gewèrk um het op tied aof te kriege. Daankbaar dink iech hei nog dèks aon trök. Iech weit dat Annie altied erg betrokke waar bij de vereininging en dat dit ein vaan de lèste dinger waore die ze nog kós doen. Dus laote ver mèt us alle eve stil stoon bij het gemis vaan euze leewe Annie.

De Vastelaovend waar uiteraard erg sjiek. Iech hób genote vaan de sleuteleuverdrach, het diner en de fiesaovend. Optochte bekieke en dee eine vrije daag es zwervers de stad in wat waar dat leuk. Es hoegtepunt bovenop de wageloor Bieëmele trekke waar genete. Heerlek um te zien wie de lui ziech ammesere

Het haaf vaste fies waar het lèste fieske veurtot corona ouch us land had bereik. Dr volgde un aontal minder leuke dinger zoe wie het afsjeid vaan euze zier gewaardeerd lid Pierre Pittie ofwel 'de Kromme'. De oprichter vaan CV de Berggeitte. Ouch weer iemes dee altied veur ederein klaor stoon. Un groet gemis in us dörp.

In de maonde denao hubbe veer us met die hoeëghede biejein gepak en tijdens unne corona proof bbq is het idee vaan de Krach vaan Vastelaovend oontstande. Un leed gemaak um de vastelaovend cultuur vas te hawwe en um edereinkrach tow te winse in deze rare tied. Het is erg good gelök en waar zier speciaal um mèt te make. Deze aovend zow normaal de zitting zien. Iech maag dus nog un jaor langer prinses blieve mèt un dubbel gevoel. Un ier is het zeker mer de omstandighede zien um te jenke. Optimistisch motte ver blieve mèt us alle. Ouch dees corona tied geit weer veurbij en daan kinne ver weer un pèlske drinke en un denske doen. Tot dee tied make ver dr het beste vaan en dinke ver positief want geine pak us de vastelaovend aof!

Prinses Monica

MENS & NATUUR

VASTELAOVESWÖRM

Jaore geleije zaog iech oonder d'n optoch op 't Gastes plotseling everal regewörrem euver de weeg kroepe. Die waore oonder de grond opgesjrik door de trillinge van de dreunende geluidsinstallaties op de wages in d'n optoch. Wörm deenke dat trillinge in de grond weure veroorzaak door hunne groete aartsvijand: de mol. Es ze die trillinge veule, weite ze meteen wat hun te doen sjeit: weg weze! Soms deenke ze auch dat de trillinge veroorzaak weure door vallende regendroppele. Dan meine ze dat ze veilig nao bove kinne kome um gèt greun te vrete, um nao 'n ander sjtuk grond te verhuize – kroepe geit bove de grond altied gemeekeliker es d'r ooner – of um 'ne leuke partner te zeuke um klein wörmkes mèt te make. Wörm kome allein oet eige beweging bove de grond es 't naat is, want ze verlezte in de ope loch sjnel vóch, en dan druuge ze oet. Ongevaer wie carnavaliste die allein de deur oet goon es ze zeker weite dat 't dao get te drenke guuf. Soms zuuste merels of lijsters in 't gazon waal ins op de grond trappele um zoe 't geluid en de trillinge van vallende regendroppele nao te doen. Dan deenke de wörm: ha, naatigheid, veer kinne nao bove! Mèr ze veule bliekbaar neet éch naatigheid. Dus kome ze bove, en hap! Weg wörm...

Bee dae optoch dachte de wörm dat de trillinge van de geluidsboxe beteikende dat 't regende, of dat ein gigantische mol achter hun aan zaot. Dus vluchtte ze nao bove. Dao sjtonge deze kier gein hongerige merels of lijsters te wachte, mèr doorsjtige rare veugel van 'n gans ander sjaag. En ze woorte neet opgevret, mèr plat getrooje of gevare. Regewörm zeen gein fans van vastelaovend.

sodesju

Geine gewoene Sudoku, mer unne Carnavals Sodesju...

55	66		88	44				
			44	22				99
33			99	66		11		
44		11		55				
99							44	22
	33		88		22	66		
66								
		55		99		22		

Sjrijf de ciefers 11 tot en met 99 eeder éine kier in alle horizontale rijke en verticale kolomme. En ineeder van de negen veerkentsjes van 3x3

Reudselke

Wie neumste un prinses met un schuiftrombone?

Oplossong onderaan de bladzijde

Woordzeuker

L	R	D	A	K	E	T	E	E	R	K	E
E	E	A	L	E	J	S	T	E	Z	E	G
E	I	N	Z	E	L	G	A	N	G	E	R
G	B	S	I	T	T	E	F	N	O	C	E
L	A	M	S	I	U	R	K	E	S	S	A
A	O	A	B	E	R	G	G	E	I	T	F
V	P	R	O	C	L	A	M	A	T	I	E
A	T	I	D	R	E	G	N	I	L	S	L
N	O	E	O	A	N	O	L	L	A	B	L
R	C	T	O	F	L	E	E	D	S	J	E
A	H	J	R	O	R	E	T	P	E	C	S
C	T	E	P	M	E	D	A	I	L	L	E

Goot op zeuk nao de 20 weurt die allemaol get met carnaval te make hóbbe. Es geer ze allemaol gevoonde hób blieve d'r 5 letters euver die same de oplossing vurme

Oplossing

Oplossing reudselke : un HarMonica

Geittebord

Carnaval is geine carnaval zonder optoch. Daorum beeije veer uch dit biezonder jaor uzze digitale optoch aan. Met behulp van twee dobbelstein en e paar pupkes kint geer noe toch de optoch van Bemele loupe, allein es einzalgänger of same met de familie. 't Liek e bitteke op Ganzebord mér uzze varinat hiet netuurlijk Geittebord... Veul plezeer

Sjpelregels

Veer sjtarte bee café 't plateau en probere in de groete geitesjtal te eindigen. Daoveur goeit eedere deilnummer met twee dobbelstein en maog eve veul plaatse veuroet zette.. tenzij heer op ondersjtaande vekskes kump:

Geer mot precies op de groete Geitesjtal oetkomme anders mot geer de euvergebleve sjtappe terugk zette..

Goeit geer 11 dan maog geer met eedere andere sjpeler op 't bord van plaats ruile...

Komp geer op 'n hökske met 'n geit gank dan de aangegeve hökskes veur- of achteroet

7 In de put : sla 1 beurt over

11 – Geluidscontrole, je muziek staat te hard, dat moet de helft zachter, gooi de volgende 3 keer met maar één dobbelsteen

16 – Plaspauze, je moet plassen, sla een beurt over

20 – afkorting, ga de trapjes af naar 29

25 – de jury, gooi nog een keer met één dobbelsteen, hoeveel punten? Zoveel zetten mag je vooruit

34 - In de put : sla 1 beurt over

36 – Gooi een dobbelsteen. Gooi je een even nummer dan is het café open, ga naar binnen voor een biertje en sla beurt over

44 – Je wagen is te lang, je moet via de kersenwei rijden

A of B – tijd om te spelen in de speeltuin sla beurt over

45 – een traan, ga terug naar 32

46 – een Lach, ga vooruit naar 56

62 – De optocht is weer lang en trekt nog, wacht totdat de laatste deelnemer voorbij de put (34) is (34) is

63 - In de put : sla 1 beurt over

CARNAVALSRECEPT

Heij houw un geweldig carnavalsrecept motte komme te sjtoon... mer veer houwe gein plaats en geine tied (en ouch geine zin) mie,... Gank mèr nao de frituur.....

Geitenbord

The board game 'Geitenbord' is a circular board with 67 numbered squares. The board is divided into several sections:

- Top Section (Squares 20-30):** Contains a 'Beer' sign, a tree, and a 'Beer' sign.
- Right Section (Squares 1-19):** Contains a 'Beer' sign, a tree, and a 'Beer' sign.
- Bottom Section (Squares 1-19):** Contains a 'Beer' sign, a tree, and a 'Beer' sign.
- Left Section (Squares 31-47):** Contains a 'Beer' sign, a tree, and a 'Beer' sign.
- Center Section (Squares 48-67):** Contains a 'Beer' sign, a tree, and a 'Beer' sign.

Key features and icons on the board include:

- START:** Located at the bottom left, with squares 1, 2, and 3.
- Groete Geitesjtal:** A central logo featuring a goat and a rainbow.
- Beer:** A sign located at the bottom right.
- Icons:** Various icons are scattered throughout, including goats, houses, trees, dice, and a person.
- Mathematical Operations:** Squares 38, 39, 45, 46, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, and 67 contain mathematical operations like +5, -3, -4, -6, and +5.